

高似孫續古蹟寮小集
張至龍季靈雪林刪餘
杜旗仲高癖齋小集
張弋彥發秋江烟草
葉紹翁嗣宗靖逸小集

疎寮小集

四明高似孫續古

入餘杭縣

明發遵西陸驅車月流光
佳山迎車來知是古餘杭
危樹露如雨平野日未陽
吏流瀟清源弱羽無高翔
人家叢灌下世載山水鄉
扣門作午憩白飯羞文魴
邂逅有足歡離合非其常
主人不予鄙予留亦徜徉

憩昌化民家

晚程息勞轍白日流西輝
水鳥得魚去耘夫荷鋤歸
川原杳仟綿林野雜依霏
一來扣竹館相邀入荆扉
重巖

國立中央圖書館, NATIONAL CENTRAL LIBRARY, TAIWAN, R.O.C.

吐清溜澄陰有殘馘曰子考此室十世相因依左右桑
果足歲日雞豚肥豐猶未至裕歎亦無能饑予聞良自
愜欲謀北山薇有田可同畊有蠶當共衣車夫悍無情
此志仍重違

答李才翁

素意杳難尋殘鑪屬晚陰花知西洛事鴈叫北人心客
共艱難盡詩隨老大深金陵書不到消息又沉沉

宋江都研

數寸清純玉不如入波陶髮冷蕭疎千金爛抵荆山鵲
一璞深刻渭水魚墨帶花香臨近澗泓沉燈影了殘書
從來端歛難優劣名下直成市不虛

答宇文文學

無能應俗苦皇、詩不驚人筆事荒天下無山如飯顆
人間有水似滄浪左杯右蟹一舟足早韭晚菘三畝強
莫謂覺來止可嗜逢人猶自覓花忙

燕文貴山水圖

道山堂上御府畫展卷猶能記老燕十日何由辨水石
千金乃可介江天楚湘兩岸風落木海嶽三秋鴈度川
大山小山俱好隱江南夢去曲肱眠

答武昌吳廣文

平生不識武昌樓，官柳青，好在，不度，亮笛吹黃鵠，月
簡栖碑駁碧苔，秋山橫赤壁，含情斷水出瞿塘，快意流
何處，叫君同一醉，並舟秦女擘箜篌。

丹砂歌謝胡史君惠砂床

宜州丹砂產，賜谷不比辰谿攢，箭鏃素霓深，抱赤城霞
斬猩半染于闐玉，海日下照珊瑚紅，化為姹女金芙蓉，
一從擘華分禹璞，猶有絳炁埋雲峯，鑄鼎泥壇有消息，
坐看光輝成五色，淮南雞犬亦同升，九轉真能生羽翼。

琵琶引

人生聚散難為別，何況匆匆作胡越，梅梢帶雪下昭陽，
明朝便隔關山月，長城不戰四夷平，臣妾一死鴻毛輕，
回憑漢使報天子，為妾奏此琵琶聲，長安城中百萬戶，
家，競學琵琶譜，酸聲苦調少人知，食雪天山憶蘇武，
西風吹霜鴈飛，漢宮月照秋砧衣，嫫姚已死甲兵老，
公主公主何時歸。

銅雀硯歌

曹公夜譙凌雲臺，一言契濶含餘哀，分香老伎各雲雨，
歌舞不盡埋蒿萊，漠，頽基鄴山下，萬里煙塵無一瓦，
井榦樽酒自平生，烏鵲飛南播遺雅，老農墾雨開荒寒，
一礫千金苔未乾，世人好奇不好近，直比周簋仍商槃。

老璞渾、殊質魯得水猶能發妍媸更與人間作瓌古
月明夜盜西陵土

黃居中瀟湘圖歌

天暝而雨斷兮作蒼梧九疑之高秋風行而川怒兮洩
瀟湘洞庭之奔流樹不知名兮山抱複嶺沙不計程兮
水趨他洲波作止兮蛟舞蛟蟄雲晦明兮猿呼猿愁原
不可作兮蘭亦塵土賈傅歸漢兮鵬其何尤誰呼魚兮
北澗有酒誰鼓柁兮南津有舟懷斯人兮杳靄千里目
悵望兮吾其歸休

寄吳鈐幹

有偉千人傑能為萬里遊挂帆春背鴈問澤夜驚鷗道
路空留滯文章莫暗投九疑生雨遍三峽帶寒流采藥
青神觀題詩白帝樓乾坤供爛醉星斗照閒愁漢已歸
蕭相天難壽武侯詞人頭欲雪壯士泪如秋中下猶須
策西南風倚筭有錢書畫買滅鹵志終酬猿破高唐夢
龍馴灑灑舟行人定安穩夏近可歸不

騎鸞引贈白曲山吳道士

夜騎白鸞出琳闕三萬仙官鐸珮珎雲雷帖妥過剛風
左推日丸右扶月一息瑤池翠水家阿母迎謁龍驅車
青娥彈絲玉妃酒坼盡蟠桃紅玉花九天丈人來問道

太極之前天不老丹霞一炁玉樞宮寶笈緝金容探討
井君沐浴波五色洞房光芒上奔日天上傳呼六丁直
星斗離、礙鸞翼

補遺

聚景園

翠華不向苑中來可見年々惜露臺水際春風寒漠漠
官梅却作野梅開

四聖觀

劉後村云極藻繪追琢之功

水明一色抱神州兩壓輕塵不敢浮山北山南人喚酒
春前春後客凭樓射熊館暗花扶辰下鵲池深柳拂舟
白髮邦人能道舊君王曾奉上皇遊

石楠

以上二首見武林舊事

自隨野意了山行香浸楠花白水生借得風來帆便飽
隔溪新度一聲鶯

木

下簾深與意商量無酒何如此夜長一筋木絲仙有分
依然只作秘書香

梅

胡仔苕溪漁隱叢話作陳師錫詩

舍南舍北雪猶存山外斜陽不到門一夜冷香清入夢
野梅千樹月明村

景沂全芳備祖

紀夢

翠峰嵯峨三十六寒泉落空響哀玉斲花石路勢縈紆
玉闌干護修筠綠雪髯老人負紫瓢金絲麈尾搖相招
紅螺酌酒湛、碧坐倚蒼石吹洞簫孤鶴來傳天上詔
老人挽予偕一到飄、高舉凌青冥直過罡風履黃道
祥光樓閣倚崢嶸神虎守關森衛兵雙闔朱扉忽微啓
中有靈官來遠迎絳衣持斧立丹陛玉皇手中玉如意
雲璈風瑟自宮商天聲清越非人世帝旁青童傳帝宣
文華宮中呼謫仙謫仙顧余笑且言子宜亟返來他年
探懷贈我五色筆子當寶之慎勿失濃香氤氳迷帝所
長揖老人下西廡身從日月上頭行俯視斗杓分子午
雲氣相隨步武生過耳但覺松風鳴覺來握筆紀佳夢
月明樓鼓過三更 見陳隨隱漫錄